



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Basilea Sacra Sive Episcopatvs Et Episcoporvm
Basileensivm Origo Ac Series**

Sudan, Claudio

Brvntrvti, 1658

14. Adelinus, aut Adelvvinus.

urn:nbn:de:hbz:466:1-11463

Imperatore. Stumpfius verò, Ioan-
ne VIII. Nicolao I. Adriano II. Pon-
tificibus, Ludovico II. & Carolò
Calvo Imperatoribus. Ultimus Ser-
gio fuit annus 847. primus Adria-
ni 868. & Caroli Calvi 876.

*Anno
Christi
875.*

ADELINVS,

A V T
ADELVINVS.

Basileensis Episcopus.

XIV.

Basileense pedum tractavit Adeli-
nus, quo tempore sceptrum
Gallicum circumtulit Carolus II.
cognomento Calvus, qui imperij
capessiverat insignia 25. Decemb.
anno 875. fato inevitabili deponen-
da anno 877. Stumpfius asserit
Præsulem Basileensium Adelinum,
tempore Caroli Crassi, qui Carolo-
manno Calvi filio successit anno 881

H 2 impe-

*Anno
Christi
875.* imperavitque annos septem. Ex quo proclive est inferre, Adelvinum Basileensem intertuisse Synodo coætæ in villa Attiniaco, anno 870. cui præsidebant Remigius Lugdunensis, Ardvicus Vesontinensis, Bertulfus Trevirensis Archiepiscopi unâ cum subiectis Episcopis, de quibus plura Baronius tomo. 10.

Vitâ functo Carolo Crasso, anno 888. proximus hæres supererat, Caroli Balbi ex altera coniuge filius, qui, quia naturâ simplex & inertigenio, adeoque rebus gerendis inhabilis, novandis rebus & turbando Imperio facilem ansam dedit. In Italia quidem Berengarius Dux Foro Juliensis, & Guido Dux Spolestanus, omni ope, diversis quisque studiis coronam affectârunt. Quam quidem Guidoni Stephanus, Hungoni Formosus Pontifex non tam imposuit, quam dignitatem in umbritica

bratica brevitate libandam ostendit. Arnulphus interim Carolumanni filius, Carolus Simplicis Tutor aut verius successor, per Germaniam rerum potiebatur: quo tamen frustra obtinente, Rudolphus Comes Burgundiæ Transjuranae, siue Minoris regnum occupavit, regia conferentibus insignia Agauni Thebaeæ legionis Martyrio loco illustri, Episcopis Sedunensi, Gebennensi & Lausannensi. Rex iam salutatus Rudolphus Regiam amœno sitam loco Paterniaci constituit in Aventicis, sibi & posteris stabilem, habuitque levi operâ obsequentes Sabaudos, Helvetios, & quos alpes inde, hinc Iurassus includebant populos. Amicitiam coluit Rudolphus cum finitimis gentibus Fauracis, Burgundis superioribus & Sundgoiis, quorum benevolentiam stabilendo regno necessariam per le-

Anno
Christi
875.

H 3 gatos

gatos sibi conciliaverat. Stetit hoc
Anno Christi
875. regnum ab anno 888. ad annum
 1032. successione ad posteros trans-
 missâ annorû compluriû 144. donec
 Rudolphi ultimi casu penitus ever-
 sum est, harumq; ditionum accessu
 rursum crevit Conradi II. Impera-
 toris potentia. Ita Guillimannus de
 rebus Helvet. l. 2. c. 13. & infrâ in VI.
 rico XXV. Episcopo Basileensi plura.

RUDOLPHVS I.*Basileensis Episcopus.**XV.*

Non ita sacri Pastoris officium
 sustinuit Rudolphus, hoc est,
 placidum vitæ genus, quin pro pu-
 blica patriæ salute militem indue-
 ret. Iunctis enim Arnulphi Impera-
 toris copiis, armatus cum aliis Prin-
 cipibus belli aleam subire voluit, at
 quæ sæpe causâ belli iniquior cadit.

Tendit